

۱ مارٲ
۱۳۴۱

ٲورٲ ٲاړخ اٲٲٲنٲ مٲٲوعٲ

اٲٲ ٲشٲٲٲٲ سٲٲ
ٲٲٲٲٲ ۸ (۸۵)



تورک و اسپانیول کھیلری آره سنده محاربۂ بحریہ

مقالہ مزک سرلوحہ سنی تشکیل ایدن وثیقہ ، اسپانیا تاریخ آقادہ میہ سی اعضا سندن سنیرورایغناسیوبا اوئر طرفندن نشر اولنان «بحر سفیدہ تورکر» عنوانی اسپانیولجہ اترک برنجی (بشنجی) جلدندن ترجمہ اولنشددر . بو وثیقہ ۱۶۶۲ دہ ہندستان غربیدن عودت ایدن ایکی اسپانیول کمسیلہ ترافالگار برونی اوکنده بر قاج تورک کمسی آره سنده وقوع بولان محاربۂ بحریہ یی حاکیدر . ترجمہ سی بر وجہ زیردر :

نيسانك بشنده، هاوانانك سان خرسٹوفال لیمانك یکر می میلنده کائن ماتاناساس لیماندن ایکی کمی یوله چیقمشددر . برینک اسمی نوئه ستراسنیورا دہ لاسوله داد اولوب حجم استیعاییسی ۶۰۰ طون ، تسلیحاتی ۳۶ طوب و مرتباتی ۹۰ کشیدن عمارت ایدی . کینک سوارسیی دون نیقولاس یوستیانو چاواری ایدی . دیگرینک اسمی ئه ل سول دہ لاسپرانسا اولوب حجم استیعاییسی ۳۵۰ طون ، تسلیحاتی ۲۶ طوب و مرتباتی یوز کشیدن عبارت ایدی . برنجی کمی قپودان (قاپیتانا) ایکنجی ایسہ آمیرال (آلیرانتا) باندیره لرینی چکیورلر ایدی . بو ایکی کمی ، یوم مذکور دن یعنی بش نیساندن اعتباراً ایدی حزیرانہ قدر یعنی ۷۶ کون دوام ایدن بر سفردہ طوپراق کورمامشدردر . یالکز بوکون کوردکاری طوپراغک ، دہ سپارتل برونیلہ بربریا (شمالی آفریقا) سواحلی اولدینی آکلاشلمشدر . ایرتسی کونی ، صباحلین ساعت طقوزده ، جبل طارق بوغازینک آغزنده ، ایکی کمیدن درت میل اوزاقده بولنان و بشر یوز طونیلاتولق کمی اولدینی آکلاشیلان درت کمی ، دورین اعانہ . سیلہ ، کشف اولنشددر . ایکی کمی ، هوانک مخالفتدن طولای ، نہ سیاحتلرینک هدفی اولان قادیقس کورفرینہ یاخود سان لوقار لیمانہ نده هوانک مساعده سنہ رغماً ، بوغازک آغزنده بو درت کینک طولاشمی یوزندن ، جبل طارقہ کیتمکہ موفق اولمامشدردر . ایکی کینک درت کمی ایلہ یان یانہ کلمہ لری ایچون صرف ایلدکاری

غیرتله رغماً، هوانک شمال شرقی جهتندن اسدیکی و جریانلرک سرعته تابع اولدقلری ایچون، ترافالغار بروننده، آقشام ساعت اوچ بچقده، یان یانه کله ملرینک امکانی زائل اولامشدر .

ایکی کپی، درت کمینک یانه کلدکلری وقت، اولجه فلمنک ظن ایتدکلری درت کمینک بایراقلرینک ایندیرلیدیکنی ویرلرینه تورک بایراغنک چکلیدیکنی کورور کورمز محاربه یی محقق عدایتشلردر . درت کمی آریلهرق اوچی قپودان باندیره سنی چکن نوته نستره سنیورا دهلا سوله داد اوزرینه ویدیگری ئل سول دهلا اسپرانسا کمینی اوزرینه هجوم ایتشلردر . (بودرت کمدن هریرینک مرتباتی بش یوز کشیدن عبارت اولوب بونلردن اوچ یوزی طویچی و بحریه نفرندن وتسلیحاتی اوتوز آلتی طوبدن عبارت ایدی) . محاربه، آقشام ساعت اوچ بچقده باشلامش و اوچ کمی قاپتانای چویرمش و دیگر کمی آلمیرانتایه هجوم ایدهرک ایکنجی دفعه یاقلاشدیغنده تسلیم اولمشدر (۱) . کیجه قرا کلفنده، اوچ کمی قاپتانایله حرب ایدر ایکن، عین حجم استیعابیدن دیگر برتورک کمینی کله رک دیگر اوچ کمینک ایندیردکلری ضربلره علاوه اولمق اوزره، ایکی یاندن ضربلر ایندیرمشدر که قارمسی محو ایتشدر .

تورکار قاپتانانک مقاومتی کوردرک، دکزده استعمالی معتاد اولان انواع آتش ایله اوچ دفعه آتش ایتشلردر . آتشک طورمسی و تورکارک چکلهمسی ایچون والده سی مریم آنانک شفاعتیه افندمزه (عیسی یه) دعا ایدلشدر . کیجه ساعت سکز بچقده محاربه بیتدیکنده قاپتانایلکنسز، ترینکه ته سز قالمش و بتون کیجه ناریفه لیمانه کیره بیلیمک ایچون جریانلرک تأثیریه قره دن قره یه بوجالامشدر . نهایت قارا کلفده، تاریفه نک اوچ میل اوزاغنده بولنان (اوچ صلیملر) دنیلن محل کشف اولمشدر . کمی مرتباتنک قسم اعظمنک مقتول و مجروح اولسی یوزندن، کمیده کی قاریشقلق نتیجه سی اوله رق اورایه حقیلمه مشدر . کمینک سواریمسی دون نیقولاس یوستیانو، قره یه چیقوب تاریفه متصرفی اولان دون میکول پاچهروده ناروانه زه اخبار کیفیت ایلمسی مجروحلره سویلشدر . مرقوم، بش تورک کمینسک

[۱] وثیقه اسکی اسپانیولجه ده یازلدیغندن ونحو نقطه نظرندن کندیسند ضنف تألیف خطالرینه تصادف ایدلیدیگندن، تسلیم اولان کمینک هانکی کمی اولدیفی مهم ایسه ده، آشاغیده کوریلجکی وجهله، تسلیم اولانک اسپانیول کبسی اولدیفی آکلاشیلیور .

ہجوم نہ وقتلرینہ معروض قالان کینک یانا جغنه قانع ایکن ، بودفعہ قورتولوب محتاج معاونت اولان بوکینک مدافعہ سنہ الی کشی ایلہ سرباً یتیشمشدر . مرقوم دون میکمل پاچہرو ودون یقولایا یوستیانو صباح ساعت یدیدن اونہ قدر حرب ایتشلر واونی (کمی بی) پریشان برحالدہ براقہلرینہ رغماً تورکلر اونی آلفہ میسر اولمامشلردر . بویلہ فوقالعادہ نتیجہ دن طولای جناب حقہ چوق شکر ایتشلردر . بو معجزہ نک خاطرہ سنی تذکار وادامہ ایتک ایچون ، مادرید شہرینک ویتوریا مناسترنده کی نوستراسدیورا دہ لاسولہ داد نام کوچوک کلیسہ سندنہ ، بوعلی سنیورانک تصویری قونمشدر . بو ، اللہک شرفنک تعالیسنہ خدمت ایتسین .

۱۶۶۲ سنہ سندنہ مادریدہ طبع اولنمشدر .

آرام غلانی

